

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ



<< Հրազդանի Խ.Արոյվյանի անվ. թիվ 1 ավագ դպրոց >> ՊՈԱԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2023

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ ՍՈՎՈՐՈՂՆԵՐԻ ՄԵՋ ԻՆՔՆՈՒՐՈՒՅՆՈՒԹՅԱՆ, ՍՏԵՂԾԱԳՈՐԾԱԿԱՆ ՈՒՆԱԿՈՒԹՅՈՒՆՆԵՐԻ
ԶԱՐԳԱՑՈՒՄԸ ԴԱՍՎԱՆԴՄԱՆ ԸՆԹԱՑՔՈՒՄ

Կատարող՝ **ԷՄԻԼՅԱ ԳՐԻԳՈՐՅԱՆ**

Առարկա՝ **Հայոց Լեզու և Գրականություն**

Ուսումնական հաստատություն՝ ՀՐԱԶԴԱՆԻ N 6 ՀԻՄՆԱԿԱՆ ԴՊՐՈՑ

Ներածություն

Նոր բարեփոխումներ են կատարվում հանրակրթական բնագավառում: Նոր չափորոշիչների, նոր ծրագրերի թատերաբեմում հայտնվում է առաջին հերթին դպրոցը: Դպրոցում է ձևավորվում երկրի ապագան կերտողի արժեհամակարգը: Այս պահին յուրաքնչյուրից պահանջվում է խելամտություն, ինքնուրույն, բայց գրագետ վերլուծություններ անելու կարողություն:

Ներկայումս կրթական նոր չափորոշիչի համապատասխան՝ ծրագրերը կյանքի կոչելու համար շատ կարևոր է հայոց լեզու և գրականությունն առարկաների մեթոդաբանությունը, որը հնարավորություն կտա գտնել առարկաների ուսուցման արդյունավետությունը և գրավչությունը բարձրացնելու հնարներ և մոտիվացնել սովորողներին՝ ինքնուրույն աշխատանքներ կատարելու: Դրա համար արդեն խպետք է հենվել դպրոցի՝ իր գործառույթների շրջանակներում ստեղծած պատվարին և ստեղծել ազգային արմատներով և միջազգային չափորոշիչներով կրթության նոր համակարգ:

Նպատակները.

- Չարգացնել սովորողների ներուժը, վերլուծական մտածողությունը
- Սովորողներին ներգրավել խմբային աշխատանքի մեջ
- Ավանդական և փոխներգործուն մեթոդները համադրելով՝ բարձրացնել ուսուցման արդյունավետությունը
- Դասապրոցեսի ճիշտ կազմակերպման միջոցով՝ ճիշտ մեթոդներով և հնարներով, աշակերտների մեջ ձևավորել ինքնուրույն գործելու կարողություն
- Ձևավորել արժեհամակարգ ինքնավստահություն, ինքնուրույնություն, նպատակասլացություն

Խնդիրները

- Ստեղծել համագործակցային մեթոդներով արդյունավետ աշխատելու միջավայր
- Ներգրավել սովորողներին դասի կազմակերպման գործում
- Խրախուսել պատկերավոր մտածելու և ստեղծագործելու փորձերը
- Ստեղծել անկանշկանդ մթնոլորտ ինքնաարտահայտվելու համար
- Նպաստել դասապրոցեսի ընթացքում միասնական, համախմբված, ապրումակցային միջավայրի ձևավորմանը:

ԳԼՈՒԽ 1.

ԳԻՏԵԼԻՔԸ՝ ԻԲՐԵՎ ԻՄԱՑԱԿԱՆ ԱՐԺԵՔ

<<Մարդ ձգտում է դեպի գիտելիքները, և հենց որ նրանում մարում է գիտելիքների ծարավը, նա դադարում է մարդ լինելուց:>>

ՖԻՏՅՈՑ ՆԱՆՍԵՆ

Ինչ-որ բանի հասնելու համար պետք է ջանք թափել, բայց խելամտորեն: Եվ այստեղ է, որ անհրաժեշտ է ունենալ գիտելիքի պաշար: Սակայն ինչպես Գյոթեն է ասում. << Գիտելիքը քիչ է, հարկավոր է նաև գործել>>: Իսկ անգլիացի փիլիսոփա Կառլայնը ավելացնում է. <<Գիտելիքը գրանցված փորձ է>>: Այդ գրանցված փորձը օգնում է մարդուն կյանքում ճիշտ ընտրություններ կատարել և ներդաշնակ ապրել շրջապատի և ինքն իր հետ:

Եվ ուսումնառության ընթացքում սովորողը ոչ միայն գիտելիք է ձեռք բերում, այլև ինքնուրույն մտածելու գործելու հնարներ է փնտրում, հմտանում դրանք կիրառելու եղանակնակների ու ձևերի մեջ, որով և զարգացնում նոր ուսումնական փորձառություն:

Գիտելիքի խոր և համակողմանի ձեռքբերումը առավել ևս կարևոր է մեր օրերում: Հայրենիքի կյանքում տեղ գտած վերջին զարգացումները, պատերազմը, գաղթը երկրի ներկայիս ծանր ու անկայուն վիճակը վկայում են, թե որքան մեծ տեղ պետք է տրվի կրթությանը և մրցունակ գիտելիքին մեր կյանքում: Մեր կրած փորձությունը և շարունակվող դժվարությունները առավել շեշտադրում են նաև ճշմարիտ արժեքներով կերտված աշխարհայացք, վեհ իդեալների ու ձգտումների կարևորությունն ու պահանջը, որոնք նախ և առաջ սերմանվում, աճում ու զարգանում են դպրոցում: Գիտելիքը ամենահզոր զենքն է: Դարերի ընթացքում մեր ժողովուրդը մաքառել ու գոյատևել է և իր կյանքը կերտել ու վերակերտել է ամբարած գիտելիքի, ճանաչողության ու հմտությունների շնորհիվ: Հենց այսօր հայրենիքի անվտանգությունն ու պաշտպանությունը պետք է խարսխված լինեն սովորողների ձեռք բերած գիտելիքների, ինքնաճանաչողության, հայրենասիրության ու ազգասիրության վրա:

ԳԼՈՒԽ 2.

ՅԱՅՈՑ ԼԵՉԿԻ ԵՎ ԳՐԱԿԱՆՈՒԹՅԱՆ ԱՌԱՐԿԱՅԻ ԴԵՐԸ ՍՈՎՈՐՈՂԻ ԱՐԺԵՅԱՄԱԿԱՐԳԻ ՁԵՎԱՎՈՐՄԱՆ ԳՈՐԾՈՒՄ

Ժամանակակալից դպրոցը, ժամանակակալից ուսուցումը, իհարկե, նախկին լինել չի կարող: Այս նոր գործընթացները ուսուցման նոր ծրագրերի առկայությունը հանգեցնում են նրան, որ սովորողների մոտ ուժեղանում է քննադատական մտածողությունը, նոր հայացքների ու համոզմունքների ձևավորումը: Հնարավորություններն ու հմտությունները դառնում են անսահմանափակ, շատերն արդեն բազմաթիվ բաց հարթակներից գտնում են իրենց հետաքրքրություններն ու պատասխանները: Դրանք պետք է ճիշտ համակարգել, ուղղորդել, իսկ երբեմն էլ կարծրացած մոտեցումները ձևափոխել:

Դա է ժամանակի առաջընթացի նախապայմանը: Սա նշանակում է, որ գրականության դասական արժեքները, որոնք մարդկության հավերժական ուղեկիցներն են, պետք է նորովի մատուցվեն, թարմ տեխնիկական ու մեթոդական միջոցներով, որպեսզի չխզվի դասական արժեքների և ժամանակակալից մտածողության կապը: Ուսուցիչը ճշմարտության և իր արժեհամակարգի դիտանկյունից պետք է անդրադառնա և արդարացի վերլուծության ենթարկի սովորողի մոտ առկա կրթադաստիարակչական ցանկացած երևույթ: Անշուշտ չպետք է շրջանցել ազատ մտքի արտահայտման և հանդուրժողականության միջավայր ստեղծելու անհրաժեշտությունը:

Մայրենին՝ որպես առարկա, այդ տեսանկյունից ունի լայն հնարավորություններ աշակերտներին բացահայտումների ճանապարհով տանլու համար: Դասաժամերի ընթացքում սոպրոցականին առաջադրվում են նոր գործիքներ՝ ճանաչելու աշխարհը, մարդկանց և հենց իրեն: Այս կերպ դպրոցական վաղ տարիքից արդեն դրվում են աշակերտի հետազոտական հմտության ձևավորման հիմքերը:

Ճիշտ է այսօրվա դպրոցականը այնքան էլ Ձոն Լոքի ասած <<անգրել գրատախտակը>> չէ, և, անկասկած, այն փոխելու անհրաժեշտություն է առաջանում:

Այստեղ կարևոր է ուսուցչի վարպետությունը, որպեսզի կարողանա ուղղորդել նրա լեզվամտածողության ճիշտ զարգացումը, նպաստի մտավոր թռիչքներին, խրախուսի ստեղծագործական ունակությունները, և վերջապես, նրան տալ ինքնարժևորման բանալին: Պատահական չէ, որ հայոց լեզուն և գրականությունը, լինելով առանձին առարկաներ, ցածր դասարաններում ինտեգրված են <<Մայրենի>> առարկայի մեջ և ընկալվում են, որպես մեկ ամբողջություն: Աշակերտը, արդեն զինված որոշակի գիտելիքներով, 7-12-րդ դասարաններում տարանջատված է ուսումնասիրում այդ առարկաները:

ԳԼՈՒԽ 3.

ԻՆՉՊԵՍ ԳՐԱԿԱՆՈՒԹՅՈՒՆԸ ԴԱՐՁՆԵԼ ԴԵՌԱՅԱՍԻ ԱՄԵՆԱՄՈՏ ԸՆԿԵՐԸ



Գրականությունը արվեստի տեսակ է, արվեստների մայրն է: Գրականությունը մարդու մեջ դաստիարակում է վեհի, բարձրի, գեղեցիկի, հերոսականի զգացողությունը: Այս ամենը ներկայցվում է գրողների որոշակի երկերով, գրական կերպարների միջոցով: Գրականությունը մարդկության, սիրո դասեր է տալիս:

Գրականությունը նպատակ ունի հղկելու մայրենի լեզուն, որովհետև լեզվի օրենքները մի բան են, երբ լեզուն սովորում են ըստ քերականական օրենքների, իսկ բառապաշարը, ոճը, անթերի հայերենը՝ մեկ այլ բան:

Անվերջ կարելի է խոսել գրականության դերի և նշանակության մասին: Հավելեմ նաև, որ գրականությունն ի սկզբանե ունեցել է մի կարևոր առաքելություն. մշտարթուն եղել է հայ ժողովրդի պատմական ճակատագրի ուղեկիցը: Հայ գրականությունը հայոց պատմական հոգեկերտվածքի գեղարվեստական խտացումն է:

Գրականությունը կարող է դառնալ դեռահասի ամենամոտ ընկերը, ուղեկիցը, ներազդել սովորողի զգացմունքների և մտքի վրա:

Դեռահասության ընթացքում շատ աշակերտներ հաճախ ընկնում են մենակության գիրկը և կտրվում իրական կյանքից: Նրանք ամփոփվում են իրենց աշխարհում և ամենափոքր բախումից մեծ ցնցում են ապրում:

Այստեղ է, որ հույզերի օվկիանոսում հայտնված աշակերտին օգնության կհասնի մեծն գրականությունը: Նա կգտնի իր բազում հարցերի պատասխանը, նոր բացահայտումներ կանի: Ավելին, կտեսնի կյանքն ու աշխարհը նոր լույսի ներքո և կգնահատի ու կարժևորի այն: Ու անընդգրկելի տիեզերքում իր աշխարհը կգտնի՝ իր երազանքների մոլորակը: Յենց սա է գրականության մոգական ուժը: Բնությունն ամեն ինչի մասին այնպես է հոգացել, որ բոլորը ամեն տեղ գտնեն սովորելու, ինքնահաստատվելու, ինքնամաքրվելու ուղիներ:

ԳԼՈՒԽ 4

ԻՆՔՆՈՒՐՈՒՅՆ ԱՇԽԱՏԱՆՔՆԵՐԸ ԳՐԱԿԱՆՈՒԹՅԱՆ

ԴԱՍԱԺԱՄԵՐԻՆ

<<Ապրել և մեռնել հայրենիքի համար>> ըստ Աբովյանի՝ կարևոր տեղ պետք է տալ երեխաների հայրենասիրական դաստիարակությանը: Դա պետք է անել ավելի վաղ տարիքից: Ամեն ոք իր կյանքի նպատակը պիտեռք է համարի ապրել և մեռնել

հայրենիքի համար: Հայրենիքը կանգուն կմնա այդպիսիների շնորհիվ: Գեղարվեստական գրականության միջոցով յուրաքանչյուր աշակերտ, իր տարիքին համապատասխան, ձեռք է բերում դրանց խորքերը թափանցելու, մեկնաբանելու կարողություններ:

Կան թեմաներ, որոնք իրենց առանձնահատկություններով, նրբերանգներով զուտ ազգային են: Մեզ համար հատկապես խոցելի է պանդխտության թեման:

Պանդխտությունը խորը արմատներ ունի ու, ցավոք, նա արդիական է: Բոլորս ենք առնչվում այդ խնդրին, բայց դպրոցականի զգայուն հոգին դրան առնչվելիս մեծ դրամա է ապրում: Ուստի այդ թեմաները անցնելիս կարևոր է, որ ճիշտ մեկնաբանվեն պատճառներն ու հետևանքները: Այդպիսի թեմաներն անցնելիս աշակերտը անհրաժեշտ է, որ ասի իր փաստարկված խոսքը: Նա վճռական դարձ կկատարի իր արմատները, դեպի իր հոգու զարթոնքը, կսթափվի անդամնալի կորստից: Հայ ժողովրդի համար ասես ճակատագիր դարձած հայոց թեման ամփոփելով՝ այնուամենայնիվ աշակերտների մեջ պետք է պահել լավատեսական ոգին:


Ոգին ամրացնելը հայ ժողովրդի խորը բա՞նագին է, թե՞ կոչումը: Նարեկացին Մատյանով հոգևոր Հայաստան էր գրում: Նրանից առաջ Եղիշեն հոգևոր Հայաստան չէ՞ր գրում... Նրանից հետո՝ Թումանյանը, Տերյանը, Չարենցը ... Արդյունքում՝ դարերի զազաթը հասած մի ասի չափ Հայաստան և տիեզերքի պես անեզր ու անչափելի հոգևոր Հայաստան:

Հայերիս համար, անտարակույս, հայրենիքը բացարձակ արժեք է, բայց այն նուրբ ազգային երանգներ ունի, և հայրենասիրությունը սոսկ հայրենիքը սիրելը չէ, հայրենիքը, պետությունը պահելն ու պահպանելն է: <<Մարդկությունը սիրիր, մարդկության չափ մեծ կլինես>> , - ասում Էրնեստհակյանը: Մարդկությունը սիրելուց առաջ մարդ պետք է սիրի իր ազգը, իր ժողովրդին, քանի որ այն մարդկության մի մասնիկն է: Եթե սիրում ես քո ազգը, ուրեմն հայենասեր ես:

ԳԼՈՒԽ 5

ՀԱՅՐԵՆԱՍԻՐԱԿԱՆ ԹԵՄԱՆԵՐԻ ՈՒՄՈՒՄՆԱՍԻՐՈՒԹՅՈՒՆԸ

1. Ինչպես զարգացնել աշակերտների մոտ հայրենասիրական թեմաները ընկալելու, վերլուծելու կարողությունները:



Հայրենիքի ճակատագրի հետ կապված շատ իրողություններ կատարվում են հենց այսօր:

Մենք բոլորս դրա ականատեսներն ենք: Աշակերտները կատարում են ինքնուրույն դատողություններ, վերլուծություններ ներկա օրերում կատարվող դեպքերի վերաբերյալ: Եվ գրականության դասժամերին աշակերտի մոտ պետք է ձևավորել այն համոզմունքը, որ հենց իրենցից է սկսվում հայրենիքը, որ յուրաքանչյուրիցս է կախված մեր երկրի ապագան, մեր համերաշխ ընտանիքից, դասարանից, միջավայրի, անձնական շահը ազգային ստորադասող հասարակությունից, միասնական ազգից ու գաղափարախոսությունից: Չարենցի պատգամը այսօր էլ աղաղակում է. <<Ո՛վ հայ ժողովուրդ, քո միակ փրկությունը քո հավաքական ուժի մեջ է>>: Եվ ուսուցչի խնդիրը հենց այն է, որ, գործածելով ամենատարբեր մեթոդներ և միջոցներ, միջառարկայական կապեր. ցանկացած թեմա

բերի հետաքրքրությունների դաշտ և աշակերտներին մղի բացահայտումների, նրանց մեջ ինքնուրույն մտածելու, սովորելու ինքնաբուխ ցանկություն առաջացնի: Դասավանդման Նոր մոտեցումները պարզ են. վերակենդանացել ձանձրալին, գրավել ստեղծագործական մոտեցումներով: Այս դասերը ներառում են մեթոդների բազմազանությունը, հատկապես, ինչպիսիք են խնդրի վրա հիմնված ուսուցումը, միջառարկայական և ներառարկայական հաղորդակցությունները: Անտարբերությունը թուլանում է, մտածողությունը աշխուժանում, ոգևորվում և մեծանում է հետաքրքրությունն ընդհանուր առարկայի նկատմամբ: Նոր մեթոդներով դասերի վարումը օժանդակում է երեխաների լեզվական հաղորդակցման հմտությունների զարգացմանը և նրանց անհատական ստեղծագործական կարողությունների բացահայտմանը, այսինքն՝ նպաստում են սովորողների մայրենի լեզվով գրագետ հաղորդակցվելու տարբեր իրավիճակներում կողմորոշվելու, ինքնադրսևորվելու, գնահատելու և այլ կարողությունների և հմտությունների ձևավորմանն ու զարգացմանը: Աշխատանքի այս տեսակն ակտիվացնում է սովորողների մտավոր և խոսքային գործողությունը, զարգացնում նրանց երևակայությունը, ստեղծագործական մտածողությունը, հետաքրքրությունը և՛ առարկայի և՛ ուսուցանվող թեմայի նկատմամբ:



<< Քելե լառ >> բանաստեղծության դիտարկման միջոցով ինչպես կազմակերպել դասապրոցերը և ինչպես նպաստել ստեղծագործական ունակությունների զարգացմանը:

Ուսումնասիրության նախապատրաստական փուլ:

Պարզաբանվում են դասի նպատակն ու խնդիրները: Դրանից հետո աշակերտները ներգրավվում են իմաստավորված ստեղծագործական աշխատանքների մեջ: << Խթանման >> փուլում կիրառվում է << Նախնական կազմակերպիչ >> մեթոդական հնարքը: Այս մեթոդը շատ արդյունավետ է ստեղծագործական ունակությունների զարգացման համար: Գրատախտակին կամ ցուցապաստառին գրված են բանաստեղծության հետ առնչվող բառեր և բառակապակցություններ. մանգաղն առած, մախաղը մեջքին, համառ մի ուխտ ու հարցում, կա սահման ու կա վեճ, հոգու միամիտ կանչն է իր մեջ, խռովքը Սասնա տան դաշտն են Աստված, երկիր ու երկինք, իմա՞լ չերթանք մեր Երգիր:

- 1) Ի՞նչ է կատարվելու
- 2) Ինչպես են կապվել այդ բառերը, և դարձել բանաստեղծություն
- 3) Գրել 5 բույնանոց շարադրանք

Նոր նյութի հաղորդում

Կարդալ բանաստեղծությունը, ունկնդրել երգը: Գտնել ընդհանրություններ երգի և բանաստեղծության մեջ:

Իմաստի ընկալման փուլում կիրառվում է <<Մանրապատում >> մեթոդը: Սովորողի մոտ զարգանում է էականը, կարևորը նկատելու, ինքնուրույն աշխատելու, ստեղծագործելու մտավոր կարողությունները:

1. Մեկ նախադասությամբ գրիր, թե ինչի մասին է մանաստեղծությունը
2. Ստեղծագործությունից ընտրիր մեկ հղում, որ բնութագրում է այն:
3. Մեկ բառով բնութագրիր ստեղծագործությունը:
4. Նկարիր խորհրդանիշ, որն արտահայտում է ստեղծագործության միտքը:
5. Ի՞նչ եք կարծում՝ ի՞նչ գույնի էր ստեղծագործությունը:
6. Ի՞նչ երաժշտություն հիշեցիր այս ստեղծագործությունը կարդալիս:

7. Շարունակիր միտքը. Բանաստեղծությունը այնքան արդիական է, որովհետև ...

Կարելի է կիրառել նաև <<3 բանալի և մեկ կողպեք>> մեթոդը: Այս դեպքում արդեն նախընտրելի է խմբային աշխատանքը: Խմբերը ներկայացնում են իրենց գրածը և ձևակերպում բանաստեղծության գաղափարը:

Այս և նմանատիպ աշխատանքները ամրապնդում են գիտելիքների ինքնուրույն որոնման հմտությունները: Դրանք ստեղծագործող անձի ձևավորման արդյունավետ միջոցներ են:

Ստեղծագործական հմտություններն ու ունակություններն ցայտուն դրսևորում է կշռադատման <<Հաստ և բարակ>> հարցերի աղյուսակը լրացնելով: Քարտերը բաժանվում են աշակերտներին, որոնցից կպահանջվի կատարել ինքնուրույն դատողություններ, կբացահայտվեն յուրաքանչյուրի նախաձեռնողական հմտությունները:

<< Հաստ հարցեր >>	<< Բարակ հարցեր >>
. 3 բացատրություն բերեք, թե ինչու Ո՞վ ...
. Բացատրեք՝ ինչու Ի՞նչ ...
. Ինչու՞ եք դուք մտածում, որ Երբ ...
. Ինչու՞ եք գտնում, որ Հնարավոր է, որ ...
. Ո՞րն է տարբերությունը Ինչպես անվանել ...
. Ենթադրե՞նք՝ ի՞նչ կլինի, որ Ե՞ղել են արդյոք ...
. Ի՞նչ եթե Համաձայ՞ն եք դուք ...

Սովորողները կարդում են իրենց գրածները, կատարում են լրացումներ ու շտկումներ, եթե այդպիսիք կան և մտքերի փոխանակության արդյունքում թեման ամբողջացնում է, գիտելիքը՝ կայունանում:

Այնուհետև անդրադարձ է կատարվում և հնարավոր է լինում պարզելու ուսումնական գործընթացում յուրաքանչյուր սովորողի, խմբի ձեռքբերումները և բացթողումները, դժվարություններն ու խոչընդոտները:

Չարկ է շեշտել, որ ուսուցման այսպիսի ակտիվ մեթոդները նպաստում են սովորողների ազատ ու ինքնուրույն մտածելու, սեփական կարծիք հայտնելու, պատասխանատու որոշումներ կայացնելու, ընտրություն կատարելու, հմտությունների զարգացմանը:

Ճատ կարևոր է, որ յուրաքանչյուր ուսուցիչ գրականության դասաժամերին ստեղծի այնպիսի պայմաններ, որ դասի ընթացքում սովորողի դերը լինի ավելի ակտիվ, հնարավորինս շատ խոսի, մեկնաբանի, կարծիք հայտնի, վերլուծի, նոր լուծումներ գտնի: Բնական խոսքը, սեփական մտքերը առանց կշռադատելու և սխալվելու արտահայտելը հնարավորություն է տալիս, որ սովորողն ավելի արագ զարգացնի կապակցված խոսքը, հղկի, գեղեցկացնի այն, բացահայտի իր ստեղծագործական ներուժը:

Ծանր, աշխատատար պատասխանատվություն ունի ուսուցիչը: Ի՞նչ սովորեցնել, ինչպե՞ս սովորեցնել և ինչու՞ սովորեցնել. ահա հարցադրումները որոնք կազմում են ուսուցման գործընթացի միջուկը: Գիտելիքն արժևորող աշակերտ, պրպտող միտք, ինքնուրույնություն, նախաձեռնություն, ստեղծագործական ուակությունների դրսևորում: Եվ այս ամենը միասին կդառնան ինքնուրույնության և նախաձեռնողականության զարգացմանն ուղղված առաջին քայլերի ռազմավարությունը:

ԵԶՐԱԿԱՑՈՒԹՅՈՒՆ

Այսպիսով, ուսուցման գործընթացի կազմակերպման նոր ձևերն ու մեթոդները պետք է նպաստեն մարդու ինքնուրույնության ձևավորմանը, հիմնարար գիտելիքների ձեռք բերմանն ու ստեղծագործական կարողությունների զարգացմանը: Ինքնուրույնության և ինքնուրույն աշխատանքի միջև գոյություն ունի սերտ կապ: Ինքնուրույն աշխատանքը մի կողմից արդեն ձեռք բերված ինքնուրույնության արտահայտումն է, մյուս կողմից ինքնուրույնությանը նպաստող միջոց: Ինքնուրույն աշխատանքները զարգացնում են նախաձեռնություն, ստեղծագործական կարողությունները բացահայտելու կարողություն: Կարելի է ասել, ինչպես դպրոցում, այնպես էլ ողջ կյանքի ընթացքում սովորողները դրսևորում են գիտելիքների յուրացման գործընթացն իրականացնող ճանաչողական կարողություններն ու հմտությունները:

Օգտագործված գրականություն

1. Ուսուցման ժամանակակից մեթոդներ, հնարներ, վարժություններ –
Կրթության ազգային ինստիտուտ
2. Գրականություն 7-րդ դասարան- Դավիթ Գասպարյան
3. Մանկավարժական միտք, բազմաբնույթ մտածողության տեսության
կիրառության հնարավորությունը ուսուցման գործընթացում- Վ.
Չաքարյան
4. Մեծերի մտքեր, աֆորիզմներ